



SAKSPAPIR

Saksnr	Utval	Type	Dato
42/2018	Formannskap/plan- og økonomiutvalet	PS	04.06.2018
	Kommunestyret	PS	

Sakshandsamar	Arkiv	ArkivsakID
Åse Elin Myking		18/677

UTGREIING INTERKOMMUNALT SAMARBEID MED KOMMUNAR I NORDHORDLAND

Rådmannen sitt framlegg til vedtak:

Vaksdal kommune ser behovet for meir interkommunalt samarbeid og vil delta i felles utgreiing om samarbeid med kommunar i Nordhordland. Kommunestyret ber om å bli orientert om framdrifta i arbeidet.

Ein føreset at saka vert drøfta med arbeidstakarorganisasjonane, og at informasjon og medbestemmelse vert ivareteke.

Formannskap/plan- og økonomiutvalet - Sak 42/2018

FPØ - Behandling:

Rådmannen kom med ei saksopplysning vedk. drøfting med tillitsvalde.

Tilleggsframlegg frå Magne Hestad, AP:

Ein føreset at saka vert drøfta med arbeidstakarorganisasjonane, og at informasjon og medbestemmelse vert ivareteke.

Røysting:

Rådmannen sitt framlegg vart samrøystes vedteke.

Magne Hestad sitt tilleggsframlegg vart samrøystes vedteke.

FPØ - Tilråding/Vedtak:

Vaksdal kommune ser behovet for meir interkommunalt samarbeid og vil delta i felles utgreiing om samarbeid med kommunar i Nordhordland. Kommunestyret ber om å bli orientert om framdrifta i arbeidet.

Ein føreset at saka vert drøfta med arbeidstakarorganisasjonane, og at informasjon og medbestemmelse vert ivareteke.

Saksopplysningar:

Bakgrunn

Kommunar som ikkje skal slå seg saman med andre kommunar ser behovet for meir interkommunalt samarbeid om oppgåver. Mange kommunar med små fagmiljø er sårbare med omsyn til kapasitet og kompetanse.

Gjennom IKT samarbeidet i Nordhordland deltar Vaksdal i rådmannsutvalet med kommunane Osterøy, Meland, Lindås, Masfjorden, Austrheim, Fedje og Radøy. I IKT samarbeidet er det lagt vekt på standarisering av system og praksis. Kommunane har derfor større mogelegheit for å hjelpe kvarandre og samarbeide om oppgåver. Dette, saman med auka digitalisering, kan framover gje kommunane nye mogelegheiter. Til dømes kan ein samarbeide og/eller utføre arbeid for kvarandre utan at det medfører flytting av personar.

Kommunane er i felles driftsnett og kan samarbeide uavhengig av avstandar. Til dømes kan Masfjorden, Modalen og Vaksdal som har vasskraftressursar samarbeide om administrativ kompetanse på dette krevande fagfeltet.

I Nordhordland har kommunane som ikkje skal slå seg saman tatt til orde for å utgreie samarbeid på fleire område enn i dag. Samarbeid mellom enkeltkommunar eller fleire er aktuelt. Vaksdal kommune samarbeidar i dag om oppgåver med fleire av kommunane og er invitert med i utgreiinga på det grunnlag sjølv om kommunen ikkje er med i regionsamarbeidet i Nordhordland.

Vaksdal har som dei andre kommunane vanskelege år framfor oss med krevande tilpassing til vesentleg strammare økonomiske rammer. For å oppretthalde kapasitet og kompetanse innafor dagens lave kostnadsnivå ser rådmann det som nødvendig å søkje samarbeid med andre. Aktuelle samarbeidsområde er i første omgang innafor administrative oppgåver og andre fagområde med små og sårbare fagmiljø. Det at kommunane er vande med å samarbeida er ei føremon.

Arbeidet med utgreiing er tenkt gjennomført som felles administrativt prosjekt med prosjekstøtte frå regionrådet i NH (NUI). Rådmann må sørge for forankring og gode prosessar lokalt i sin kommune. Eventuell sak om samarbeid vert lagt fram til politisk behandling.

Vurdering

Det er viktig at arbeidet med samarbeid på fagområde med små og sårbare fagmiljø blir prioritert. Arbeidet må gjerast på ein måte som sikrar føreseielege prosessar for alle partar. Informasjon og involvering av dei berørte må prioriterast. Arbeidet må også ha ein politisk forankring som gjer at rådmann har tilstrekkeleg mynde og støtte til å gjere arbeidet.

Rådmann vil tilrå at Vaksdal kommune deltar i utgreiinga om interkommunalt samarbeid mellom kommunane i Nordhordland og Vaksdal.